

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 612592 16 St
Sarajevo, 26.04.2024. godine

OPĆINSKI SUD U SARAJEVU, i to stečajni sudija Ivana Kulić, u stečajnom postupku nad imovinom stečajnog dužnika „DES“ Društvo sa ograničenom odgovornošću za osposobljavanje, rehabilitaciju i zapošljavanje invalidnih lica oštećenog sluha i govora Sarajevo, ul. Obala Kulina bana br. 22, Sarajevo, van ročišta dana 26.04.2024. godine donio je sljedeće:

R J E Š E N J E

Zaključuje se stečajni postupak nad imovinom stečajnog dužnika „DES“ Društvo sa ograničenom odgovornošću za osposobljavanje, rehabilitaciju i zapošljavanje invalidnih lica oštećenog sluha i govora Sarajevo, ul. Obala Kulina bana br. 22, Sarajevo, zbog nedostatka stečajne mase.

Ovo rješenje ima se objaviti u Službenim novinama FBiH, na oglasnoj ploči ovog suda, na web stranici ovog suda, te dostaviti FIA.

Po pravosnažnosti ovog rješenja, isto se ima dostaviti Odjeljenju registra pravnih lica Općinskog suda u Sarajevu, radi brisanja stečajnog dužnika iz sudskog registra MBS broj MBS broj 65-01-0841-12 (stari broj 1-461).

Obavještavaju se stečajni dužnik, stečajni upravnik i povjerioci da pravne posljedice zaključenja stečajnog postupka nastupaju 8 dana nakon objavljivanja ovog rješenja u Službenim novinama FBiH.

O b r a z l o ž e n j e

Rješenjem ovoga suda broj gornji od 19.01.2017. godine otvoren je stečajni postupak nad imovinom stečajnog dužnika „DES“ Društvo sa ograničenom odgovornošću za osposobljavanje, rehabilitaciju i zapošljavanje invalidnih lica oštećenog sluha i govora Sarajevo, ul. Obala Kulina bana br. 22, Sarajevo.

Dana 20.11.2023. godine održano je ročište za glavnu diobu na kojem je stečajni sudija dao saglasnost na prijedlog diobe.

Stečajni upravnik je predložio zaključenje stečajnog postupka usljed nedovoljnosti stečajne mase. Međutim, kako se navedeno odnosi na situaciju kada stečajna masa nije dovoljna da ispuní ostale dospjele obaveze stečajne mase a u konkretnom slučaju, kako to proizlaizi iz izvještaja stečajnog upravnika koji je usvojen odlukom skupštine povjerilca, cjelokupna stečajna masa je unovčena, ispujeni su uslovi za zaključenje stečajnog postupka shodno članu 126. Zakona o stečaju.

Uz podnesak od 29.03.2024. godine i podnesak od 08.04.2024. godine, stečajni upravnik, dostavio je dokaze stečajnom sudu o izvršenoj diobi, u smislu odredbe člana 124 stav 6 Zakona stečajnom

postupku, pa je sud primjenom odredbi člana 126. Zakona o stečajnom postupku (Sl. Novine F BiH broj 29/03, 32/014 i 42/06) donio odluku kao u izreci.

Stečajni sudija
Ivana Kulić

Pouka o pravnom lijeku:

Protiv ovog rješenja, može se izjaviti žalba Kantonalnom sudu u Sarajevu, u roku od 8 dana po proteku 2 radna dana od objave rješenja u službenom glasilu (čl. 12. st. 2. u vezi sa čl. 141. st. 1.). Žalba se izjavljuje u tri primjerka putem ovog suda.